



МОНГОЛ УЛС
ХЭНТИЙ АЙМГИЙН ЗАСАГ ДАРГЫН
ЗАХИРАМЖ

2023 оны 09 сарын 18 өдөр

Дугаар А/473

Хэрлэн сум

Цэрэг татлага зохион байгуулах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 66 дугаар зүйлийн 66.1, 60 дугаар зүйлийн 60.1.1, Батлан хамгаалах тухай хуулийн 17 дугаар зүйлийн 17.1.4 дэх заалт, Цэргийн албаны тухай хуулийн 12, 13 дугаар зүйл, Засгийн газрын 2022 оны МН/209 дүгээр тогтоол, Зэвсэгт хүчний Жанжин штабын даргын 2023 оны Н/190 дүгээр тушаалыг тус тус үндэслэн ЗАХИРАМЖЛАХ нь:

1.2023 оны хоёрдугаар ээлжийн цэрэг татлагыг 2023 оны 10 дугаар сарын 02-оос 2023 оны 10 дугаар сарын 25-ны хооронд явуулсугай.

2.Цэрэг татлагын товчоог дор дурдсан бүрэлдэхүүнтэй байгуулсугай.

Товчооны дарга:	Ж.Гантулга	Аймгийн Засаг даргын Тамгын газрын дарга
Орлогч дарга:	Н.Хүрэлээ	Цэргийн штабын дарга, Хурандаа
Нарийн бичгийн дарга:	А.Баярбат	Цэргийн штабын Тоо бүртгэлийн ахлах офицер, хошууч
Гишүүд:	Ж.Эрдэнэбат	Онцгой байдлын газрын дарга, Хурандаа
	Э.Жавхлантөгс	Цагдаагийн газрын дарга, Цагдаагийн дэд хурандаа
	О.Баярлхагва	Тагнуулын хэлтсийн дарга, Дэд хурандаа
	Л.Мэндбаяр	Эрүүл мэндийн газрын дарга
	Д.Оюунгэрэл	Нэгдсэн эмнэлгийн дарга
	Г.Дашдаваа	Насан туршийн боловсролын "Гэгээрэл" төвийн захирал
	М.Шүрэнцэцэг	Хэрлэн сумын Засаг дарга бөгөөд Чингис хотын Захирагч

3.Цэрэг татлагын хуваарийг хавсралтаар баталсугай.

4.Цэргийн насны залуучуудыг эрүүл мэндийн судалгааг үндэслэн эмчлэгдэн эдгэрэх боломжтой залуучуудын нэрсийн жагсаалтыг гарган эрүүлжүүлэх ажлыг

231011 81

2.

зохион байгуулахыг Эрүүл мэндийн газар (Л.Мэндбаяр)-т, Цэрэг татлагын эрүүл мэндийн үзлэгийг "Иргэнийг цэргийн жинхэнэ албанд эрүүл мэндээр тэнцүүлэх болон цэргийн албан хаагчийн эрүүл мэндийн байдлыг тодорхойлох журам"-ын дагуу шинжилгээ, оношлогоог үндэслэн чанартай зохион байгуулахыг Нэгдсэн эмнэлэг (Д.Оюунгэрэл)-т, цэргийн албанд татагдагчдын боловсролын түвшинг тогтоох, бичиг үсэг үл мэдэгч иргэдийг албан бус сургалтанд хамруулахыг Насан туршийн боловсролын "Гэгээрэл" төв (Г.Дашдаваа)-д, цэргийн албанд татагдагчдын гэмт хэрэг зөрчилд холбогдож байсан эсэхийг хянах, цэрэг тээвэрлэх автомашинд үзлэг хийх, олон нийтийн аюулгүй байдлыг хангаж ажиллахыг Цагдаагийн газар (Цагдаагийн дэд хурандаа Э.Жавхлантөгс)-т, цэрэг татлагын байрны галын аюулгүй байдлыг хангах, цэрэг татлагын товчооны ажилд дэмжлэг үзүүлэхийг Онцгой байдлын газар (Хурандаа Ж.Эрдэнэбат)-т, цэргийн албанд татагдагчдын өргөдөл, материалыг хянаж, судалгаа гаргахыг Тагнуулын хэлтэс (Дэд хурандаа О.Баярлхагва)-т тус тус үүрэг болгосугай.

5.Зарлан дуудах хуудсыг нэрсийн жагсаалтад орсон цэргийн албанд татагдагч бүрт хүргүүлэн, заасан хугацаанд Цэрэг татлагын байранд бэлэн байлгах, тэдний бичиг баримтыг бүрдүүлэх, цусны бүлэг тогтоох, хэвлийн чанд авиан оношлогоо, шээсний шинжилгээг урьдчилан хийсэн байх, Цэрэг татлагын товчооны бүрэлдэхүүнийг ажиллах нөхцөл, хоол хүнсээр хангах, цэргийн албанаас халагдан ирж буй дайчдыг угтан авч, тэднийг ажлын байранд зуучлах, цэргийн албанд татагдагчдыг үдэж мордуулах ажлыг сахилга, зохион байгуулалтын өндөр хэмжээнд зохион байгуулахыг сумын Засаг дарга, тосгоны Захирагч нарт үүрэг болгосугай.

6.Аймгийн Цэрэг татлагын байрыг Хэрлэн сумын Соёлын төвд зааврын дагуу бэлтгэж, Цэрэг татлагын товчоо, зохион байгуулах бүрэлдэхүүний ажиллах нөхцөлийг бүрдүүлэхийг Хэрлэн сумын Засаг дарга (М.Шүрэнцэцэгт)-д даалгасугай.

7.Цэрэг татлагын үеэр батлан хамгаалах бодлого, зорилтыг сурталчлах өдөрлөг зохион байгуулах, Цэрэг татлагын товчооны гишүүдийг үүрэг даалгавар, мэдээллээр хангах, цэргийн албанд тэнцэгчдийн бичиг баримтыг бүрдүүлэх, цэргийн албанаас халагдагсдыг хүлээн авч, цэргийн бүртгэлд тусган, сумдын Засаг даргын Тамгын газрын нарт хүлээлгэн өгч, орон нутагт хүргэх ажлыг зохион байгуулахыг Цэргийн штаб ажлыг зохион байгуулахыг Цэргийн штаб (хурандаа Н.Хүрэлээ)-т даалгасугай.

3.

8.Цэрэг татлагын товчоонд ирүүлсэн өргөдөл, гомдлыг хуулийн дагуу хянан шийдвэрлэх, Зэвсэгт хүчний Жанжин штабаас тогтоосон хяналтын тоог баримтлан хуульд заасан шаардлага хангасан залуучуудыг хугацаат цэргийн албанд татаж, 2023 оны 10 дугаар сарын 20-д багтаан алба хаах цэргийн ангиудад хүлээлгэн өгч, 2023 оны 10 дугаар сарын 25-д танилцуулахыг Цэрэг татлагын товчоо (Ж.Гантулга)-д үүрэг болгосугай.

ЗАСАГ ДАРГА



Ц.НОГСОМЖАВ